

**«Արվեստ23» ՀԿ-ի
«Ծնվել եմ Արցախում» կրթական ծրագրի
շահառուների պարտականություններ**

«Արվեստ23» ՀԿ-ի (այսուհետ՝ «Արվեստ23») «Ծնվել եմ Արցախում» կրթական ծրագրի (այսուհետ՝ Ծրագիր) շահառու (այսուհետ՝ Շահառու) դառնալու դեպքում նրա նկատմամբ ներկայացվում են հետևյալ պահանջները, որոնց Շահառուն/նրա անունից հանդես եկող Օրինական ներկայացուցիչը պարտավոր է հետևել Ծրագրում ներգրավվածության ամբողջ ընթացքում.

1. Վարպետության դասերին մասնակցելիս.

1.1. Պարտաճանաչ, կանոնավոր և առանց անհարգելի բացակայությունների հաճախել դասերին՝ որպես ակտիվ մասնակից, և ներկա լինել դասերին՝ որպես պասիվ մասնակից՝ դեմառդեմ կամ առցանց տարբերակով՝ կախված տվյալ դասի կազմակերպման ձևից և «Արվեստ23»-ի պահանջից, այդ թվում՝

- Իրենց մասնագիտությամբ դասերին (օրինակ՝ դաշնակահարները դաշնակահարների դասին, լարայինները լարայինների դասին)՝ պարտադիր,
- Այլ մասնագիտությունների գծով դասերին (օրինակ՝ դաշնակահարները ջութակահարների դասերին)՝ ըստ ցանկության, եթե տվյալ դասին ներկա գտնվելու համար չկա «Արվեստ23»-ի կողմից պարտադիր պահանջ:

1.1.1. Մարզերում բնակվող և սովորող երեխաները, ակտիվ և պասիվ դեմառդեմ վարպետության դասերին մասնակցում են՝ ըստ «Արվեստ23»-ի հետ պայմանավորվածության՝ կախված վարպետության դասի անցկացման վայր գալու հնարավորությունից:

1.1.2. Վարպետության դասերի արտիստ-Շահառու բաշխվածությունը որոշում է «Արվեստ23»-ը:

1.2. Հետևել իր մասնագիտական առաջընթացին և ապահովել մասնագիտական աճ Շահառու լինելու ամբողջ ընթացքում:

1.3. Ունենալ հայերենի, ռուսերենի կամ անգլերենի (կախված վարպետության դասի անցկացման լեզվից) իմացության այնպիսի մակարդակ, որի պարագայում հնարավոր կլինի հաղորդակցությունը և ըմբռնելիությունը վարպետության դասի ընթացքում:

1.4. Ակտիվ մասնակցության դեպքում նախապես էլ. փոստով «Արվեստ23»-ին ուղարկել վարպետության դասի ծրագիրը:

1.5. Վարպետության դասին մասնակցության դեպքում հանդես գալ նվագակցողի հետ և ինքնուրույն ապահովել նվագակցությունը, եթե ստեղծագործությունը կատարվում է նվագակցությամբ:

2. Համերգներին մասնակցելիս.

2.1. Պարտաճանաչ, կանոնավոր և առանց անհարգելի բացակայությունների մասնակցել իրենց մասնակցությամբ համերգներին և փորձերին:

- Համերգներին պատրաստվելու համար անհրաժեշտ է ներկա լինել փորձերին՝ «Արվեստ23»-ի նշած ժամանակացույցով:
- Համերգներից առաջ անհրաժեշտ է նշված ժամկետներում «Արվեստ23»-ին ուղարկել թարմացված երկացանկ:
- Համերգների ժամանակ Շահառուն ինքնուրույն պետք է ապահովի իր նվագակցությունը, եթե

այդպիսին պահանջվում է:

3. Թանգարաններ այցելելիս.

3.1. Պարտաճանաչ, կանոնավոր և առանց անհարգելի բացակայությունների մասնակցել թանգարանային այցերին՝ ըստ «Արվեստ23»-ի կողմից նախանշված թանգարանների և սահմանված ժամանակացույցի:

3.2. Մարզերում բնակվող և սովորող երեխաները, թանգարանային այցերին մասնակցում են՝ ըստ «Արվեստ23»-ի հետ պայմանավորվածության՝ կախված թանգարանի գտնվելու վայր գալու հնարավորությունից:

4. Օտար լեզուների դասերին մասնակցելիս.

4.1. Պարտաճանաչ, կանոնավոր և առանց անհարգելի բացակայությունների մասնակցել օտար լեզուների բանավոր խոսքի զարգացման դասերին՝ ըստ սահմանված ժամանակացույցի՝ դեմառդեմ կամ առցանց տարբերակով՝ կախված տվյալ դասի կազմակերպման ձևից և «Արվեստ23»-ի պահանջից:

4.2. Մարզերում բնակվող և սովորող երեխաներն օտար լեզուների դեմառդեմ դասերին մասնակցում են՝ ըստ «Արվեստ23»-ի հետ պայմանավորվածության՝ կախված դասերի անցկացման վայր գալու հնարավորությունից:

5. Հայաստանի պետական սիմֆոնիկ նվագախմբի (ՀՊՄՆ) համերգներին այցելելիս.

5.1. Պարտաճանաչ, կանոնավոր և առանց անհարգելի բացակայությունների ներկայանալ ՀՊՄՆ-ի համերգներին («Արվեստ23»-ի կողմից այլ համերգներին այցելելու հնարավորության դեպքում՝ նաև այդ համերգներին), իսկ փորձերին՝ ըստ պահանջի:

- Համերգներին պետք է ներկա լինել դասական համերգին այցելելու հարիր հանդերձանքով և դրսևորել համապատասխան վարքագիծ:
- Դահլիճում նստել ըստ հրավիրատոմսի իրեն հատկացված տեղում:
- Համերգից հետո մոտենալ ետնաբեմ, շնորհավորել դիրիժորին և սոլիստին:
- Ներկա լինել համերգին մինչև ավարտ:

5.2. Մարզերում բնակվող և սովորող երեխաները, համերգային այցերին մասնակցում են՝ ըստ «Արվեստ23»-ի հետ պայմանավորվածության՝ կախված համերգին գալու հնարավորությունից:

6. Ֆինանսական աջակցություն ստանալիս.

6.1. Օգտագործել ստացած գումարային աջակցությունն ըստ Օրինական ներկայացուցչի կողմից նախապես՝ Պայմանագրի ստորագրման պահին, նշված նպատակների:

6.2. Պահպանել «Արվեստ23»-ի նկատմամբ հաշվետվողականություն: Շահառուն և Օրինական ներկայացուցչից հաշվետու են «Արվեստ23»-ի առջև ստացած ֆինանսական աջակցության տնօրինման և օգտագործման նպատակայնությունը հիմնավորելու առնչությամբ:

Ֆինանսական աջակցության տրամադրման յուրաքանչյուր հաշվետու ամսվա համար Շահառուի Օրինական ներկայացուցչից մինչև տվյալ ամսվա վերջին աշխատանքային օրը «Արվեստ23»-ի՝ «info@arvest23.org» էլ. փոստի հասցեին ուղարկում է ֆինանսական աջակցության տնօրինման և օգտագործման վերաբերյալ հաշվետվություն, որի շրջանակներում ֆինանսական աջակցության տնօրինման և օգտագործման ուղղությունները պետք է համընկնեն նախապես «Արվեստ23»-ի կողմից սահմանված ծախսման ուղղությունների հետ:

7. Երաժշտական գործիք/համակարգիչ/ինտերնետ հասանելիություն ստանալու դեպքում.

7.1. Գրագետ վարվել դրանց հետ՝ բացառելով դրանց վնասումը:

7.2. Վերադարձնել դրանք «Արվեստ23»-ին՝ Ծրագրից դուրս գալու, դուրս մնալու, Ծրագիրն ամբողջությամբ չավարտելու, ՀՀ-ից արտերկիր տեղափոփվելու դեպքում:

8. Պարտաճանաչ, կանոնավոր և առանց անհարգելի բացակայությունների մասնակցել և ներկայանալ «Արվեստ23»-ի նպատակներից բխող բոլոր այլ նախաձեռնություններին:

9. Ցուցաբերել ակտիվություն սոցիալական հարթակներում՝ կիրառելով «#/@BorninArtsakh», «#/@Arvest23», «#/@ԾնվելեմԱրցախում» հեշթեգերը (կիսվել իր ձեռքբերումներով, մասնագիտական ունակություններով, տեղադրել իր գործիքով, մասնակցությամբ/ներկայությամբ վարպետության դասերին, համերգներին, միջոցառումներին, նախաձեռնություններին առնչվող և/կամ իր գրանցած հաջողություններին առնչվող լուսանկարներ, տեսանյութեր, այլ տեղեկատվություն՝ նշելով (tag անելով) «Արվեստ23»-ի սոցցանցերի էջերը):

10. Սույն փաստաթղթի 1-9 կետերով նախատեսված նախաձեռնություններին չմասնակցելու դեպքում «Արվեստ23»-ի «info@arvest23.org» էլ. փոստի հասցեին ներկայացնել Շահառուի հարգելի բացակայությունը հիմնավորող գրավոր պատճառ և փաստաթուղթ (օրինակ՝ հիվանդության դեպքում՝ բժշկի կողմից տրամադրված տեղեկանք):

11. Պահպանել «Արվեստ23»-ի նկատմամբ հաշվետվողականություն: Շահառուն և Օրինական ներկայացուցիչը հաշվետու են «Արվեստ23»-ի առջև Շահառուի մասնագիտական աճի առնչությամբ:

Պայմանագրի ստորագրման պահից սկսած յուրաքանչյուր հաշվետու կիսամյակի համար Օրինական ներկայացուցիչը մինչև տվյալ կիսամյակի ամսի 20-ը ներառյալ «Արվեստ23»-ի՝ «info@arvest23.org» էլ. փոստի հասցեին ուղարկում է Շահառուի նոր կատարած տեսագրություն նոր ծրագրով առնվազն 5 րոպե տևողությամբ և լրացված հաշվետվություն՝ Մասնագիտական աճի վերաբերյալ հաշվետվություն (Word ձևաչափով):

11.1.1. Կիսամյակային տեսագրության նկատմամբ պահանջներն են.

- ազատ ծրագիր (1 կամ մի քանի ստեղծագործություն), որը Շահառուն պատրաստել է տվյալ կիսամյակի ընթացքում,
- ծրագիրը կարող է կատարվել անգիր կամ նոտաներով,
- Շահառուն պետք է հանդես գա մենանվագ ստեղծագործության կատարումով (որպես մենակատար): Եթե ներկայացվող ստեղծագործությունը/ները կատարվում է/են նվագակցությամբ, ապա Շահառուն պետք է ինքնուրույն ապահովի նվագակցություն:
- տեսաձայնագրությունը չպետք է լինի մոնտաժված և ձայնագրությունը չպետք է ենթարկված լինի մշակման,
- տեսաձայնագրությունը պետք է լինի բարձր որակով (նվազագույնը՝ HD 720p որակով), ստատիկ նկարահանված, և պետք է երևան մենակատարի գործիքն ամբողջությամբ (դաշնամուրի դեպքում՝ ստեղնաշարը), մենակատարի գլուխը, ձեռքերը և մատները,
- թույլատրվում է ներկայացնել նաև տանը կատարված տեսաձայնագրություն:

11.1.2. Շահառուի կիսամյակային տեսագրությունները տեղադրվում են «Արվեստ23»-ի YouTube-յան էջում:

12. Պարտադիր վկայակոչել բոլոր հանրային հրապարակումներում (կենսագրություն, ՁԼՄ- ների հարգացրույցներ, հոդվածներ, մրցույթներին դիմելու հայտեր, իր մասին հրապարակումներ սոցիալական հարթակներում/այլ ռեսուրսներում և այլն) Արցախում ծնված լինելու փաստը և «Արվեստ23»-ի «Ծնվել եմ Արցախում» ծրագրի Շահառու լինելու փաստը Ծրագրի Շահառու լինելու ընթացքում և Ծրագիրն ավարտելու պահից առնվազն հինգ տարի շարունակ:

13. Չանդամակցել/չմասնակցել «Արվեստ23»-ից դուրս այլ ծրագրերին/նախաձեռնություններին, որոնք չունեն կրթական բաղադրիչ և չեն նպաստում Շահառուի կրթական և զարգացման առաջընթացին: Շահառուն կարող է անդամակցել միայն այլ այն ծրագրերին, որոնք ունեն կրթական բաղադրիչ և նպաստում են նրա կրթական և զարգացման առաջընթացին:

14. Ներկայացնել «Արվեստ23»-ին իր կամ Օրինական ներկայացուցչի անձնական տվյալների (օրինակ՝ դպրոց, հասցե, հաշվեհամար և այլն) փոփոխության մասին տեղեկություններ:

15. Տեղեկացնել «Արվեստ23»-ին իր մասնակցությամբ համերգների, դասերի, քննությունների, տարբեր նախաձեռնությունների և դրանց ժամկետների մասին, որոնք կարող են այս կամ այն ձևով խոչընդոտել «Արվեստ23»-ի շրջանակներում Շահառուի գործունեությանը:

16. Ժամանակին պատասխանել իրեն ուղղված նամակներին՝ առանց «Արվեստ23»-ի կողմից հիշեցումներ ուղարկելու, հակառակ դեպքում «Արվեստ23»-ն իրավունք ունի չառաջնորդվել Շահառուի և/կամ նրա Օրինական ներկայացուցչի ցանկությամբ՝ տվյալ նամակով պահանջվող գործողությունների առնչությամբ:

17. Նախապես տեղեկացնել «Արվեստ23»-ին երկրից բացակայությունների մասին, եթե այդպիսիք կան՝ «Արվեստ23»-ի «info@arvest23.org» էլ. փոստի հասցեին գրավոր նամակի տեսքով:

18. Ուղարկել «Արվեստ23»-ի «info@arvest23.org» էլ. փոստի հասցեին Շահառուի նշանակալի ձեռքբերումները՝ մրցանակները, դիպլոմները՝ «Արվեստ23»-ի կայքում և սոցիալական ցանցերի պաշտոնական էջերում տեղադրելու համար:

19. Արտերկրում վարպետության դասի/համերգի հնարավորության դեպքում.

19.1. Ինքնուրույն ապահովել ելքի արտոնագրի և վիզայի առկայություն (եթե այդպիսին պահանջվում է):

19.2. Վերադառնալ ԶԶ արտերկրում վարպետության դասի/համերգի մասնակցելուց հետո:

19.3. Փոխհատուցել «Արվեստ23»-ի կողմից կատարված ծախսերը, եթե Շահառուն (նրա անունից հանդես եկող Օրինական ներկայացուցիչը) հրաժարվում է/չի կարողանում արտերկիր մեկնել՝ «Արվեստ23»-ի պաշտոնական էլ. փոստին արդեն իսկ ուղարկած հաստատումից հետո: (Բացառություն է կազմում մասնակցությունից հրաժարվելը \$որս մաժորային իրավիճակի առկայության հիմքով՝ համապատասխան հիմնավոր փաստաթղթեր ներկայացնելու դեպքում):

20. Հետյել Էթիկայի 7 վարքագծի նորմերին

20.1. «Արվեստ23»-ի Շահառուն և/կամ նրա Օրինական ներկայացուցիչը «Արվեստ23»-ի Ծրագրի և «Արվեստ23»-ի հետ իրենց ծավալած գործունեության շրջանակներում պարտավոր են պահպանել Էթիկայի և վարքագծի նորմեր, որոնք են.

20.1.1. ԶԶ-ում և/կամ արտերկրում «Արվեստ23»-ի նպատակներից բխող բոլոր նախաձեռնությունների շրջանակներում՝

- հետևել «Արվեստ23»-ի կազմակերպիչների ցուցումներին և հրահանգներին,

- լինել պարտաճանաչ և պատասխանատու,
- հետևել «Արվեստ23» կողմից սահմանված ժամանակացույցին՝ չուշանալ, պատասխանել նամակներին ժամանակին, հաշվետվությունները, տեսագրությունները, նշանակալի ձեռքբերումները ներկայացնել ժամանակին,
- դրսևորել հարգալից և կիրթ պահվածք,
- դրսևորել ազնիվ և բարեխիղճ վարքագիծ, որը բացառում է ստախոսություն, բամբասանք, նախանձ, ատելություն, ագրեսիա, վիրավորանք, կեղծ ինֆորմացիա,
- պահպանել կարգապահության և անվտանգության կանոններ՝ բացառելով սեփական և շրջապատի կյանքի, առողջության և գույքի վնասում,
- պահպանել փոխօգնության և համագործակցության մթնոլորտ, լինել համերաշխ և հոգատար,
- լինել քաղաքավարի՝ չաղմկել, չխանգարել մյուսներին,
- ունենալ և պահպանել էսթետիկ կեցվածք (օրինակ՝ արտաքին տեսք, խոսելաոճ),
- ներկայանալ իրենց տարիքին համապատասխան հանդերձանքով և արտաքին տեսքով՝ հիմք ընդունելով այն վայրը/միջոցառումը, որ այցելում են (դաս, համերգ, թանգարան և այլն),
- հետևել իրենց հանրային խոսքին,
- ներկայանալ պատրաստված վարպետության դասերին, օտար լեզվի դասերին, համերգներին, փորձերին, «Արվեստ23»-ի կազմակերպած այլ նախաձեռնություններին,
- ցուցաբերել ակտիվություն և նախաձեռնողականություն (օր.՝ վարպետության դասերի, օտար լեզուների դասերի և այլն ընթացքում), սոցիալական հարթակներում,
- ժամանակին պատասխանել իրենց ուղղված նամակներին՝ առանց «Արվեստ23»-ի կողմից հիշեցումներ ուղարկելու,
- արտերկիր մեկնելու հնարավորության դեպքում այդ մասին տեղեկանալուց հետո էլ փոստով հաստատել Շահառուի մասնակցությունը կամ բացակայությունը:

Վերոնշյալ ինչպես նալ «Արվեստ23»-ի նպատակներից բխող այլ պահանջներն ու պարտականությունները չկատարելու դեպքում «Արվեստ23»-ն իրավունք ունի որոշում կայացնել միակողմանիորեն լուծել Շահառուի/ նրա Օրինական ներկայացուցչի հետ կնքված պայմանագիրը: